

長沙府志卷之三十一

人物

國朝

王之錡字孔嘉湘陰人少喪母事父孝事兄恭父沒  
泣血三年弱冠舉於鄉令金鄉政簡刑清築堤堰  
修黌宮興義學歷刑工二曹擢御史巡視河道兼  
督治馬頰河有成績歷任江南常鎮道江安十府  
糧道太通兵備道致仕歸在官再委監試兩任提  
調署蘇松藩篆安徽臬篆督揚州關所居無赫赫  
名去後時令人思生平篤實無欺好扶持善類并

長沙府志

卷之三十一

人物

掖後進

郭邨字子虞湘潭舉人好學不倦終身以一卷自隨  
足跡不履公庭母多病嘗侍湯藥不暫離母死築  
室墓側朝夕哭奠

晏君顯醴陵庠生清修篤行潛心經學於周易獨有  
心得撰衍義一書

劉其聖醴陵歲貢篤學勵行於易象律呂之學鑽研  
會悟頗有闡明津梁後學

陳堯昌字伯恢湘鄉人在庠六十餘載文行卓誠少  
孤友愛其弟嚴氣正性絕跡公門耄猶好學不倦



人爭重之卒年八十六子孫以文行世其家

陶瑞字天石寧鄉拔貢性超脫識量豪邁文章飄逸

止納風流詩賦得五柳遺韻尤工小札裁答如流

人以此長沙桓公以子士儻貴晉封奉直大夫

黎良翰字文岸寧鄉人性穎異為諸生三十餘年敦

孝義事二親晨夕依依若嬰兒丁內外艱極哀慕

伯兄良史沒八子皆未婚良翰與羣季各撫其一

出已田五十畝給之飭身治家嚴肅子姓憚之

葛世封字公錫湘鄉貢生刻苦為詩文編修縣志著

作多不傳止時藝百篇行世

長沙府志

卷之三十一

人物

二

簡能字坤若湘鄉人穎異絕倫好學能文綜貫百家

甲子登鄉薦除徐溝令尋罷歸著述娛老其書

亦工

劉傳松字耐雪攸縣恩貢授教諭年十四試輒冠軍

喜購異書手自繕錄行文自闢蹊徑敦崇古道前

郡守錢贈以篤信好古拒邪閑正之語尚書陳六

受為之傳

余嶠齡字亞倩攸縣歲貢弱冠食餼鍵戶潛修恥入

公門早失恃事父肫篤父喪水漿不入口者數日

友愛異母昆弟尤敦任郵修家廟治橋道族黨



蕭世京長沙庠生三歲失怙鮮兄弟惟母是依弱冠  
補弟子員莊顏正色規步矩趨見者起敬自壯至  
老一字不入公門周貧乏焚逋券有古人風訓子  
以義方皆入庠

周廣運長沙人性莊重寡言笑弱齡失怙哀毀盡禮  
敬事兩兄式好無間長兄凱運沒撫孤姪如已出  
俾成立延師課子一門之內七業俱興有古人風  
蔣常尊湘陰人幼孤甫九歲祖父元玉口授經書默  
識不忘中翰趙友沂一見竒之字以女十二食餼

長沙府志

卷之三十一

人物

三

後成明經性孝友事節母曲意承歡學問該博詩  
文援筆立就趙忠毅公廉其方正聘主義塾人服  
其教

黎之鉉字卓菴湘陰廩生性孝友事親盡禮弟早世  
撫其孤成立家無私蓄父遺命應歸鉉田及鉉妻  
奩田三十餘石析箸時鉉悉出均分恤族睦鄰秀  
者課於家塾貧者逢歲歉計口授食全人父子合  
人婚媾人爭稱之

吳宏泰湘陰國學生性孝友詩文瞻博竣事采薪後  
進邑中無大小事得一言而定歿數十載士



羅世泰字繩武長沙庠生立品端方家貧嗜學父早  
喪母九旬兄弟協和孝友見稱居兩喪必誠必敬  
置祀田數十畝立家訓十則里中無行者畏令泰  
知遇荒歉倡義助賑無德色室東構三樂堂教授  
生徒子四人聯登甲科久詞曹掌銓事

劉成字又存攸縣增生歷試冠軍菽水承歡篤愛幼  
弟

洪圖成字寧人攸縣歲貢性孝事繼母如所生少不  
羈邑有大事毅然身任談時政切中利害晚節閉

長沙府志

卷之三十一

人物

四

門課子手錄秦漢唐宋大家文數十卷無間寒暑  
云

劉應壽字仁山攸縣廩生幼孤母蔡氏教之成名母  
逝廬墓三年篤於宗誼人率其訓邑令下車必造  
詢之不干以私博學能文人稱松亭先生

黃文揆字位百善化舉人氣度豪爽學行方正手不  
釋卷談史事衮衮不竭臨選縣令以疾卒京師邸

舍

張如璋字世瞻善化人砥礪自奮從父下帷攻苦學  
思經濟教課諸子成名通籍杜門謙抑甚於寒



待諸弟姪甚嚴財用相堆晚年益篤生平不苟囑  
笑真誠所孚詐者服義怨者輸懷以子汝閏封奉  
直大夫

黃裳字在中長沙人善化貢生品行方正丰度森嚴  
共推文章宗匠陶冶後學各因其材人咸造門請  
教子孫俱世其家學

左之翰字嵩質長沙貢生事二人以孝聞友愛同氣  
家無餘資喜置書所為詩文膾炙人口絕意舉業  
闢學樹草堂教授生徒宗族鄉閭之俊咸受業焉

袁天奎字帝錫醴陵人天性樸誠事孀母竭力盡志

長沙府志

卷之三十一

人物

五

親族以賦役棄產承平後田價增十倍天奎招集  
劉黎袁諸姓聽以原價贖還至今人食其德復捐  
修金華觀河岸建奎光樓舉廢樂施鄉里稱之予  
孫以文行世其家

黎射斗字大若湘鄉拔貢授沅江教諭訓迪有方沅  
本小邑無撥府庠者學使允射斗詳每試撥府一  
名後陞荊州教授為文揮毫立就纂修縣志人多  
體之

朱聖修字與皆湘鄉人氣度容與體貌魁梧少壯一  
軍除平江訓導卒於官生平飭內行學務根柢



工昌好積書父珩司鐸江華聖修能世其業云  
張啓禹字我咸寧鄉人幼時兄啓特解學而篇便曉  
說樂孝弟源頭弱冠值流疫父母昆弟遘疾叩天  
求代翌日俱瘳長食餼雋賢書從遊甚衆令永康  
勸課農桑明允折獄歲歉請緩征不報遂引去父  
老爲繪攀轅圖歸橐蕭然卜居金門課子孫建宗  
祠修家乘置祭田不遺餘力以天年終族黨咸慕  
之

徐昭來字繩武湘陰廩生性恬淡事親孝篤學嗜古  
詩文援筆立就湘邑文士多出其門號竹江夫子

長沙府志

卷之三十一

人物

六

劉其瀾字波雲攸縣廩生博洽經史下筆如湧泉髫  
年與兄其渤有大宋小宋之譽

黎良訓字近光寧鄉人績學飭行事繼母謝氏如所  
生建祠堂置義田遺言治喪六禁勿用浮屠勿受  
賻誅勿惑陰陽家言而久殯勿作樂勿攀援勢要  
題主勿以凶服加於尊親父執刊碑監祖祠內族  
里咸遵之

黎良貴字帝命寧鄉人方正不阿竭力躬耕以供子  
職爲族長三十載獎善懲惡不少竟假子姪有闕  
羅之號老猶治圃一錢尺帛不妄用而捐貲建祠



祭享必豐以長子希聖貴贈修職郎

張汝治字台三善化舉人任長陽教諭長陽士習器  
凌汝治樹師範嚴訓飭以存心立品委曲開諭舊  
習一變歷任學使咸相器重各上憲遴幹公事以  
其廉能皆委治之子皆有聲藝苑

何文忠湘陰人世本農家性篤孝友家貧奉親務得  
歡心母病割股以進遂愈後賈於鄂以父素嗜魚  
覓大魚數尾歸祝父誕薄暮至牌州遇暴風去家  
尚數百里黑夜揚帆一葉如簸天明風定舟竟無  
恙登堂稱祝人謂孝感所致親沒廬墓絕暈酒不

長沙府志

卷之三十一

人物

七

入內者三載祭祀如禮兄弟翁好沒齒無間

王立宋字嗣音湘陰人少孤性孝妻彭氏同志色養  
母常病各私割股以療母九十餘卒哀慕盡禮兄  
弟同爨終身無間言頗精醫術療人病不索償人  
有乖忤得片言立解子孫以忠厚世其家

陳祖圻字次郊湘鄉人性孝友親喪素食不入寢圻  
產以膏腴讓弟處宗族鄉黨排難解紛好倡義舉  
人樂從之

陳希呂字文師安化歲貢性嗜學尤長於易授生徒  
多所成就選常陽訓導未任而卒子四人皆庠生



盛志道字序五安化人聰穎善詩文中丁酉鄉試養高自重不履公庭常遇母病祈神願減算以益母壽母旋愈年九十二歲

朱奇政字平齋長沙舉人積學能文任同安令除市豪別監獄葺先賢祠墓賑饑民革私派嚴保甲息爭訟建學修志自廢具舉以父老乞歸士民肖像祀之後補石城特調湖口值旱減耗省獄署門自責卽雨復以母病歸

廖儼字次儀寧鄉拔貢生敏慧豪邁思掇巍科竟以明經終慷慨好施揮金如土良田三十餘頃棄之

長沙府志

卷之三十

人物

八

始盡康熙間趙中丞聘掌書院賓朋讌集盤餐嗚嗚嗟立辦膏火不逮者助之著有詩文人爲刊時藝若干首

李先香字澹聞善化舉人任建昌令政簡刑清催科有法崇祀名宦爲人孝友慈良

李先開字期實湘鄉人性孝友父久客於黔徒步迎歸處兄弟無異財修族譜捐祭田全昏賑饑善行種種

曹之璜字中玉醴陵歲貢孝事父母讀書恥爲章句與人樂易可親好遊覽嘗歷吳越定燕秦遍交名



宿絕意仕進日手一編吟咏自適不以世界攫心

何象巽字五申湘潭人氣岸山立襟懷豁達重然諾篤友愛家不甚豐慷慨好義閭黨中藉以生養死葬者甚眾某佔其產不較里人爭訟片言折服撫一第遺孤七人如其子年八十志行如一通道教論譽其四子也

蔡祖班字文中攸縣進士杜門窮經澡身自勵有司未嘗識面清操苦行鄉邦奉為典型

劉來垣字師維攸縣恩貢幼應童子試寸晷七藝淹

長沙府志

卷之三十一 人物

九

貫經史有詩文行世至老手不釋卷言坊行表名公卿多敬禮之常鎮道王之錡為之傳

洪嶠年字鶴千湘鄉人幼岐嶷好學夜不暇寢年五十登孝廉不求仕進植竹千竿為吟嘯地自署友

竹主人

賈慶生字來章湘鄉貢生好讀書與修縣志凡興革利弊邑令皆咨謀焉鐸新化講經課藝士風丕變修文廟計日落成子二有名庠序

駱化麟字苑遊長沙貢生貫穿經史百家一於文章發之尤工不古風絕句源出杜陵五七律蘇陸



後勁名士皆與唱和一時傳之

文山字衡峙長沙人性敏嗜學端方有守幼無兄弟  
父入合親課之五經四子周禮左傳諸書自少至  
老朗誦不差中鄉試杜門謝客漁獵經史晚年破  
產建祖祠族黨稱爲真孝廉無嗣撫姪師與承祀  
黃夢鶴字九臯善化貢生修行立品任東安訓導院  
考趙恭毅公閱卷歎曰宿儒也以孫琰貴封奉直  
大夫卒年八十

李逢清字天一善化庠生性穎悟甫十歲善屬文事  
嫡母黃氏盡孝養母病褰衣侍寢調視湯藥母歿

長沙府志

卷之三十一

人物

十

哀毀茹素三年居家伏案窮經

賀大治醴陵人恂謹尙義捐棺槨修橋梁解衣推食  
不倦有夫婦生離者哀金錢聚之習靜山林不入  
城市以仁讓化里黨邑令舉爲優行

閻世亨字會菴長沙選拔授內廷教習辭歸端方有  
守雖燕閒必整冠帶終身無戲言於族黨姻婭周  
其貧寒佐其婚嫁又做范公遺法置義田於臨湘  
都癸卯歲饑捐穀四百斛以賑貧者上憲以魏闕  
耆英額其門

楊嗣震字子方長沙衛籍少孤嫡母于氏教讀八歲



能文通五經尤精於易留心經濟獎勵後學歡事  
兩母友愛二弟仲弟早喪撫其子如己出中丞趙  
公聘掌義學其先世楊溥爲長沙衛都指揮重修  
嶽麓書院捐田延師崇祀鄉賢嗣震其五世裔孫  
也

李可城字衛公湘鄉人彊學力行嗜酒善談醉中援  
筆多不經人道語工草書戶外載酒者屢滿年七  
十以明經司鐸武岡卒於署

易宗洪字公鑰湘鄉人幼承家教有聲庠序邑有大  
興草薶一言以爲式性孝邑令魯朝簡匾曰五十

長沙府志

卷之三十一

人物

十一

而慕祖母鄧年近百歲常令子孫分詠爲樂花晨  
月夕率子姪會文課詩無虛日

劉光軾字鸞昭攸縣增生幼慧能文長通羣書父好  
客光軾罄筆耕所入供饌具常拾遺金於道候其  
人還之有隣子夜入其室獲之曰饑寒逼汝耳給  
米薪放歸其人愧榜卒改行

劉應洵字眉山攸縣廩生篤學力行繼母病癱躬進  
飲食滌裳衣憐兄嗜飲失業復合巹同居終其身  
蒙師某衰邁迎養於家屢倡義舉晚闢十松精廬  
以成後學



吳邦懷字慶也湘陰貢生力敦孝友嘗著家禁條約十則崇尚理學從遊多俊士足跡不履公庭臨沒手書遺後人曰裕後丹心子成能以經魁多士周大鉉字擔九湘陰人少負俊才多讀書下筆千言立就書法宗晉詩摹溫李生平事親色養兄弟友愛伯父無子迎養與父同其旨者二十年人重其行

陳樹芝字瓊田湘潭人鵬年長子幼聰敏入直殿庭進聖人養老賦授廣東揭陽令驅盜安民善政甚多後陞貴州平越太守未至任卒年三十九

長沙府志

卷之三十一

人物

十三

張壘字貢五湘潭拔貢生少穎異讀書過目成誦年十五食餼與諸季肄業山中海內名流俱相贈答年七十選廣文辭不赴以子九鈞九鎰貴由郎官封至大夫

馬眉字自超湘潭歲貢好學能文慷慨有志工岐黃富貧無二視任石門司訓年八十一卒洵後進典型

朱石麗字琇斐湘鄉庠生幼聰慧能文博通經史學使李周望有寒香冷韻孤芳獨賞之目自名其齋曰敬義



徐曰云字淑含益陽舉人幼英異九歲爲吳逆遊蹟  
所執欲攜去日宏號泣不忍離母賊感釋之早失  
怙每祭盡哀事母得歡心方正清介里族爭者片  
言立解貸不能償者還其券立家訓戒驕奢講學  
西園

張大盛字以永安化貢生父應運曾刻勸善書修石  
橋大盛成親志建宗祠開義學置田二十畝授新  
田教諭捐置學田歸日士子爲立教思碑家規整  
肅子孫列鬻序者十人

劉洪珠攸縣人事親盡禮孝能錫類里人稱之公舉  
長沙府志

請 旌建坊

卷之三十一

人物  
國朝

三

俞純粹字又范善化庠生事父母以孝聞撫幼弟成  
立差徭獨任倡族建祠捐田二十畝雍正五年旌  
穀三百餘石乾隆甲子捐穀四百以賑旱荒又修  
獨木橋沿港橋粟家橋費千餘金而躬布衣脫粟  
泊如也生平片語不苟前郡守馬金門表爲端方  
正直壽九十卒

李仰偉長沙庠生爲人慷慨好施風流灑脫喜結名  
流邑產蕉尾俗名鐵樹六十年一開花偉年五十  
時手植數本年九十花開延邑中名宿會飲



日以自慶亦僅事也年九十四卒

熊夢昌字西牧長沙人幼有至性劬父早沒泣血三

年端慤粹品平生未嘗以一紙干有司勤苦力學

肆志林泉詩文自娛

廖志灝字湘門醴陵歲貢有至性母沒廬墓毀瘠未

終禫而卒嘗作天山書院欲延致同人求正學

有志未就

何祥雲字倬昭安化歲貢家素封衣服飲食寧嗇毋

靡公事有益者輒出重貲條置不吝如創卷山調

茶稅修學宮正學籍率輸數百金有貧戶陳鷺子

長沙府志

卷之三十一

人物

古

雲代贖之壽八十卒

汪公訓字伊言益陽人幼穎異過目成誦弱冠入雋

鍵戶自課鄰里罕見其高每試首選學使姚淳嘉

稱爲楚材惜數奇早卒

汪公詠字陶育益陽歲薦性孝友博學工文授臨湘

訓導持身有禮課士有方表潛德獎善類後以老

病乞休當事以其老成強留之遂卒於官年七十

八諸子請遺命惟曰綱常名教我言之數矣發針

諸生多行哭失聲者

徐曰州字半霞益陽貢生姓孝友任沅陵學博



州築城建署州奉委辦之後令無錫謙決明凡勸  
災償負以母年終養母歿後奉命查江南積欠  
補南漕令勘丹徒丹陽疑獄乞休歸十餘年卒  
易宗潮字公蒞湘鄉人性瀟灑遺世獨立孝友工詩  
文肆志山水沒已三十年湘人士仍慕其風流  
蔡儼字樸岩攸縣庠生少孤依其祖祖卒葬祭如禮  
家頗豐盡讓其兄止取羨餘曰此自足用常立錄  
過格以自警衆皆題之

彭明俊醴陵人未讀書知大義有從姪饑寒鬻其田  
三十畝俊乃出已田易歸更以十畝加給之人服  
長沙府志

卷之三十一

人物

五

其義

廖達材字若公安化歲貢任桂東訓導問學瞻博能  
詩精青鳥術至任以學官不吉力主遷之自是文  
風日盛科第不絕紳士立教思碑

劉世傑字君玉善化人性醇慤多隱德每逢歲  
貴悉傾囊救濟復借常平數千石發賑茶陵  
覆溺施棺瘞之榜衣履年貌於道明年其家  
伴單某謀害乃訪聞開驗於屍旁搭包中得  
餘金事乃白闔邑呈請賜給八品頂帶

貢文起字復韓善化貢生天姿純厚友愛諸弟捐田



數百畝奉祭歲荒捐穀百餘石做常平法發之又  
施粥通衢饑者賴焉

黃之瑄字奉璋寧鄉人生三月父沒母楊氏撫之入  
庠食餼肄業嶽麓書院因例入貢選城步訓導三  
載思母告歸飲食寒暑扶持無間母沒時瑄年六  
十餘猶孺子泣服闋補臨武以祿養不逮致仕生  
平言行不苟服食儉約而郵鄰睦族為時所稱

黎希聖字睿作寧鄉副榜於宋儒書深造自得作傳  
習錄備其齋為六有齋授永興教諭却束修節儀  
每課諸生以孝弟為八字首廉恥為八字根諄諄

長沙府志

卷之三十一

人物

六

勸勉踰年卒於署殯殮不給遠近轉之者皆為泣  
下

李國燦字三英茶陵人性孝父早喪哀毀踰節事寡  
母郭氏愛敬備至母歿廬墓三載朝夕泣血丁未  
歲荒捐穀施粥壬戌水災捐金濟貧當事以孝義  
旌其門

劉捷字月三攸縣廩生少孤奉孀母陳氏色養不衰  
折節好學年八十猶篝燈夜讀每念母訓輒涕泣  
不食後嗣皆以文章顯

楊鵬字南溟長沙人父祖光死耿逆之難蔭自長沙



營守備因家焉少倜儻有大志長知書史歷任山西遊擊辦賑公久晉撫蘇克濟薦陞老營堡參將署大同總兵西陲用兵總理肅然旋補山東沂州副將陞河南南陽總兵所至革陋規飭營伍移鎮襄陽值水災百姓流離捐俸助賑撫綏備至楊忠秉長沙人性孝友生母早卒繼母蔣氏性卞急秉能承順蔣患痘疹潰爛秉夫婦奉飲食親禰廁目不交睫者月餘及卒盡哀弟兄俱早逝撫諸孤如所生友人徐將鬻女贖罪秉代償得釋焚券施藥事難枚舉

長沙府志

卷之三十一

人物

七

夏本忠字禹尚安化廩生才優學贍冠昏喪祭倡行古禮邑公事多任之

廖時乘字御六安化舉人以家貧母老就教職幼侍祖母疾數旬衣不解帶兄弟友愛無間建祠輯譜有鬻子者倡捐贖之教授生徒多所成就年七十卒

易宗瀛字公仙湘鄉人年十二食餼後入慎郡王幕府選浙江曹娥場大使調東江場卒於官性孝友母病嚙指血爲文籲天願代母遂愈與弟宗滂宗白自無尤子斌主簿祖李中武



龍起圖字鸞占攸縣人有學行親易筭時呼進鯽魚未進已屬續矣遂終身不復食魚里民運漕沒其百餘斛鬻產代償邑令避之

余家駒字龍友攸縣廩生髫年入泮下筆成章事親色養不倦康熙時徵書三至以母老辭不就比沒廬墓三年樂行善事賑饑施藥建橋修學全人伉儷皆捐貲不吝

易方拔字九士寧鄉人少穎悟補弟子員由例貢訓龍陽修學宮嚴月課龍木澤園苦雨佐邑令築防

長沙府志

卷之三十一

人物

六

中濕病瘧卒於署邑士人公請祀

楊逢瞽號海占湘陰貢生性孝友幼失怙十五母歿

廬墓抱痛終身敬事二兄明貧乏資婚嫁屢災逋

劣潛心理學

吳宏道字達五湘陰人事親孺慕友愛諸兄讓肥取

瘠撫孤姪如子族弟貧乏屢以腴田重貲給之數

散穀麥賑匱困創河梁結巨筏至老不倦

黃文典字先謨善化人事親孝幼失怙哀毀成疾父

歿廬墓三年平居稍餘卽以施貧賑乏為念三子

俱入泮次玉衡成進士



何天佑禮陵恩貢嗜學篤行重道義代族人翰徵不利其產恤鄉鄰立義塾修杜梁人皆德之

丁如升醴陵庠生三歲父故祖孫相依為命勵志讀書未幾祖故喪葬盡禮謹守先業慷慨好義成橋梁修義學鄉黨稱之

胡松字蒼巖湘潭舉人性純摯事繼母以孝聞尤篤友愛常讓已產以贍諸弟平居清白自矢臨財不苟

喻昌字又超寧鄉國學生性孝友幼事所後供子職盡色養無異所生堂弟家業蕩折昌以產分給其長沙府志

卷之三十一

人物

九

半從叔薤髮為僧昌以田為之香火其他全婚焚券了無德色精於醫聞人有劇疾輒往治貧則出藥物飲之壽八十六

黃文易字宗羲善化人兄早逝遺孤甫四月文易事嫂甚敬經理其家及孤成立出所儲五百金穀八百石同眾交給毫無侵冒

蕭芳禪字孚聲善化庠生少失恃事繼寡二母色養兼盡待異母諸弟極友愛訓誨成名茶陵故人陳姓落魄孤貧濟其衣食既死殯之

陳五玉字廷翊攸縣人父卒想慕音容刻木像事之



定省如生前主族事修祠輯譜族中不能舉火者竭力拯拯無倦色

賀世昌字偶周攸縣人少有至性父士蓮遠適他郡世昌體父志侍祖父母側不離左右父病禱神願代尋愈後母劉渡舟失足世昌抱母漂流漁舟救之得不死

易啓萃字九有長沙庠生事繼母鶴氏以孝聞剛方嚴毅鄉黨畏敬之好施與嘗分產數百畝贍貧族遇鄰里饑寒冬則周以棉布荒則減價糶穀前縣令劉榮高其義特請上憲賜額旌之

長沙府志

卷之三十一

人物

三

張應壇字杏亭長沙庠生性耿介重然諾祖先世居赤山坪建有宗祠鑄譜牒以睦族設家課以教子孫兩弟一子一姪聯登賢書里黨奉為楷模

徐日毅字健少益陽進士官兵部主事幼失怙奉母兄惟謹才銳思精窮極理趣見之躬行當官自奉如寒素詳慎不為吏欺委查臺灣等處軍功積積年未結之案大吏深獎之有幕夜請乞者力呵不從以病假歸卒

陳雅琛益陽進士筮仕深澤清豐二縣陞天津知州

任治績口碑載道復好學深思居官日口吟手



披凡一切官書如學製愧素代庖諸錄親出其手  
精思勤苦無異諸生

凌壽山醴陵人敦行尚義竭力事親鄉族笑獨艱貧  
者惻然拯恤修橋蠲穀上聞授農官

劉之蕙字馥夏益陽貢生方正不苟教授生徒師範  
肅然門人程璇初貧蕙器重之妻以女後以名孝  
廉出為良吏人服其知人

劉翰士醴陵人食貧樂義里人有遺數百金者翰士  
遇而拾之記數以待失金人旋奔尋呼叩數符悉  
還之其人欲分半以酬拒不受撫孤姪成立季子

長沙府志

卷之三十一

人物

五

光輝以文名

程璇字衡若益陽舉人任寶坻令倣古法捕蝗蝗遂  
絕蒞任七年當事以賢能薦舉効力河工河近寶  
坻寶市村每過其地民於馬首拜獻酒果親如父  
母積勞十年議叙一等應授知府會丁母艱後補  
徐州通判剔弊除害紳有循聲以疾卒於官

廖夢熊字勳周攸縣庠生師事伯兄夢麟常借讀書  
山寺幾忘枕席山僧深歎其苦所著時文宗伯吳  
荆山為之序

陳國模字元幹善化庠生幼失恃事繼母得其歡心



年二十六喪婦遂終身不再娶生平好學不倦家貧泊於世味硯田自給教兩弟國楷國寧俱成名所遺詩文及門故友多撫存之

黃夢日字旭海善化廩生嚴氣正性卓然人倫師範子文開文簡文閣皆世其業孫玉汝登賢書

王樸字素菴長沙人瀏陽庠生少孤奉母以孝聞一姊早年苦節復因痛子卧病樸迎歸調理躬親藥餌終身不懈姪雍熙早失恃攜歸教之成名復為

置產其他善行尤夥

龍先蟄字起元湘鄉恩貢醇謹好學為文根極理要

長沙府志

卷之三十一

人物

三

生平以授經為事邑進士彭心鑑孝廉劉能鎮皆

出其門

余佺齡字偁次攸縣庠生八歲能文幼失恃每謁母

塋悲號欲絕善事繼母父病篤囑以幼弟佺齡教

養曲至事兄恭讓輕財重義族黨型之著有義方

家訓

張可贊字文堅攸縣人倜儻有才幹事親色養親沒

居廬三載撫弟姪甚摯主家政纂譜葺祠修樂器

田尤好施濟多義舉修復鳳山書院邑令陳溥作

詩獎之



知悔字子翼淮鄉人年少能文與弟恢同入庠有雙  
壁之目性惇篤雖家人罕見喜愠之色日夜誦讀  
人稱書淫教授生徒四十年邑士多出其門後嗣  
乏絕人咸惜之

曾德治字泰階益陽人性肫摯事繼母如所生友愛  
兩弟讓以厚產好讀書負壯志值母歿抱恨終天  
遂謝名場杜門學古督學區其門曰孝秀醇風以  
子昌棧貴封修職郎

謝啓莊字肅容淮鄉人苦心研繹六經子史無不通  
曉制藝以歸胡爲宗浸淫於唐宋大家膺歲薦

比沙序志

卷之二十一

人物

三

使屢有國士之目教授生徒多所成就弟廷賓舉  
人豪邁能文時稱二難

稱曰重字厚安湘鄉廩生孝事繼母無間言妻葛氏  
少嬰廢疾有勸令緦妾者自重謝之惟研經史弗  
少休既病嘗自謂曰閉目時諸書畢至無遺書法  
其好學不倦如此

譚興武安化庠生少孤母梁氏治家最嚴武善水歡  
母終守墓三年不入私室修家乘聯宗族子仁元

中鄉試

安化人性誠慈隱城化任邑令盡虛



民生吏治輒見施行年八十一卒

洪雅字鳴佩益陽人六歲能文十二食餼長益勤

學博通經史任寧遠學博教思甚勤學使吳薦應

鴻博不赴中丞高方伯張聘主嶽麓書院從遊雲

集生平溫厚和平克敦古誼見信鄉黨宗族人無

聞言

易志桂醴陵人嗜學好義屢試前茅大啓家塾廣授

生徒遇貧士却其束脩從遊列膠庠者數十人又

捐館金置祭田訓宗族人德之

劉慧珠字文穎攸縣選拔弱冠食餼事父令望母單

長沙府志

卷之三十一

人物

善

氏後事繼母蘇氏均以孝聞撫弟分產睦族修祠

後任淑浦教諭兼署麻陽皆捐俸修學嚴課諸生

子孫俱成名公舉 旌孝建坊

胡經虞字正書攸縣增生博通羣籍事父母愛敬兼

至色養繼母二十八載葬祭如所生修學建亭賑

饑全節見善必爲

楊芳字涵芬湘鄉人弱冠食餼詩文敏妙授徒諸

陶成者多生平敦實行事繼母孝撫幼弟析產

肥修族譜祭期開論倫理有問而流者數奇

明經老



彭心鑑字士衡湘鄉進士丰神內歛積學敦行出漳  
浦蔡文止之門修邑志直筆不阿除廣西仁化令  
改桃源教諭卒於官生平積學攻苦爲文根柢經

史

唐世靖湘潭庠生父被擄沒於營世靖與母昇尸歸  
葬奉母避難衡山讀書不輟產業爲豪右所奪置  
不問母八十每食必自進饌嚼食反哺母病衣不  
解帶異母兄性剛暴世靖事之恭謹白首無失色  
子青楷舉於鄉

周鳳林湘潭人家貧幼孤母陳氏雙瞽稍長力傭養  
長沙府志

卷之三十一 人物 國朝 五

母母病篤醫藥無効引刀割股以進母病立愈縣  
令郡守俱以額旌之

歐陽再思字晴川攸縣庠生出繼叔父震亨克成父  
志捐租以供學宮文昌閣燈費復修文廟崇聖祠  
兩廡並及宗祠母常憐獄囚饑渴每歲暑送茶寒  
送粥成母隱德處弟昆無忤色樂善好施醫病者  
育孤者殯死者乾隆初旌表建坊入忠孝祠

謝君台字祇先攸縣庠生奉親色養無倦其兄早逝  
君台由意承順以慰親心宗族稱孝貧不治產  
私營公綿祀教本人稱錫類



陳爲鴻字漢翔攸縣人候選縣丞幼失恃曲意事父  
諸昆皆隨父官粵西爲鴻獨留侍繼母克盡孝養  
親歿後賑饑全節不忘父教敬老慈幼善體母心  
人咸稱孝

楊明捷字兼萬善化明經生平敦孝行愛弟姪詩文  
皆有法好施與通緩急人稱慕之

李芳春字芬山善化舉人品高學瞻山貢生至七十  
三歲始登賢書閉戶教子詩文之外唯以碁酒自  
娛子文煌中式

胡承烈瀏陽監生母病醫藥不效誓神捐穀三百石  
長沙府志

時倉以備賑濟母病遂愈知縣顧維鈔詳上憲給  
匾獎之

彭鉉字玉吉寧鄉人性孝友親沒哀禮兼至鉉產時  
母陶氏病危長嫂饒氏乳育之鉉終身事之如母  
比卒哭泣盡哀服期以報

劉掄元字露文攸縣副榜性恬適事父先意承志不  
離左右父歿哀毀勺水不入口卒於苫次生四子  
俱有聲鬻序

劉其淑字又旬攸縣歲貢事親色養父遊日疾幾危  
其淑每夜泣禱北斗一夕方拜視忽流光墜但父



目頓明其淑嘗患疝瘕在母側輒忍不發聲患齒  
痛視母膳必強飯如常及卒廬於墓所乾隆初  
旌表建坊祀忠孝祠

溫其訓字商言益陽貢生早失怙孝心純切母歿廬  
墓居常言動不苟性恬退學問淹貫當事擬以孝  
廉方正薦之堅辭不就急公仗義賑貧厚族率解  
囊不少吝

秦時茂字千尋益陽人母謝氏卧病寢處塌側經年  
不離有云得活鹿胎可醫者急購不得忽野鹿入  
堤內獲而進之母病立愈人以為誠孝所感弟時

長沙府志

卷之三十一

人物

三

芬早世遺子幼撫養教讀過於已子

曹昌祈益陽人父大廉病劇齋戒稽顙願以身代割  
股進病得愈邑有醉遺五十金於市者比醒迫求  
不得至欲自盡適昌祈拾之原封送還

周肇盛字廷元攸縣人善事父母父病目卧牀醫無  
効盛祈禱備至父目復明年逾六十父母繼亡哀  
毀廬墓睦族修祠捐義穀百石樂善不倦人稱孝  
義

劉拱珠字文龍攸縣庠生父慮拱珠卑傳撫兄不  
珠為其弟拱珠體父志盡友愛家產均分弟幸



復猶子如巳子年八十二 賜八品冠帶

歐陽昊字其吉攸縣庠生性醇謹事親色養修祠輯譜宗族稱孝兼好施濟賑饑建梁無吝色邑令禮延賓飲辭不赴後以子封修職郎

楊大鼎字仲舉湘鄉人幼讀書過目不忘事繼母孝兄弟式好分產取礪礪者少入郡庠以明經終其身

羅其俊字籲臣湘鄉人性醇謹友愛昆弟曲體親心不惜割產傾囊以博親歡課生徒先行次文綽有師範多受業成名者未及貢而卒

長沙府志

卷之三十一

人物

天

易祖槐字廷有湘鄉人性魯鈍讀書刻苦終夜不休後食餼三舉優行主教東臯書院

簡自彬字去勝湘鄉人少年食餼工詩古文詞尤善書法邑中碑記序誄多出其手性甚孝曾徒步數千里白父寃

林廷策字素存長沙庠生少孤克自樹立端方好善壯年失偶不再娶年荒減糶濟貧前撫布蘭泰謂其風賜以朱子全書扇杖等物年八十七歲

丁管字仲笙醴陵人篤友愛三兄乏嗣夫婦就養於管長兄沒管婚教其孤子捐田入宗祠助族壽畢



婚倡里中爲文會助其膏火貸貧者不計償性耿  
介鄉隣有爭質之立平格言遺訓里人嘗傳誦焉  
鄧邦達字楚元攸縣監生性友愛季父卒無嗣邦達  
營葬事田廬盡給冬堂兄弟族人某客死貧無擔  
石達爲養其母曲加體卹所遺孤女贈奩嫁之子  
祖授教諭餘俱入庠

賀士升字萃上攸縣儒士色養二親執喪哀毀骨立  
築廬墓傍遇大風雷雨伏墓號泣敦友愛廣任卹  
建祠修墳爲族人倡子孫有聲賢序

賀節循字令閑湘鄉庠生恬靜方正非公事不登長

長沙府志

卷之三十一

人物

无

吏之庭好施不望報於族姓分產給金惟力是視  
晚益自飭終日危坐年八十五卒

范紹文字若仲湘鄉庠生方學不倦居邇城不至公  
門父患痰疾手足不仁躬自扶持不假手僮僕母  
病侍湯藥衣不解帶授徒自給食貧處約泊如也

李瑀字友德湘潭人孝友端重然諾不苟亂離後醫  
齒徧野瑀爲掩埋無算修造舟梁行者便之舉鄉  
飲大賓卒年八十有五

張拱宸字公卓湘潭人孺慕終身友于同氣刑直  
私喜行善事修建橋梁周濟里黨以力行訓子弟



舉鄉飲賓

譚世麟安化人一歲失怙稍長  
季事母曾氏母沒守

墓三年與妻鄧氏相敬如賓  
邑令高其行為之讚

年九十沒

楊之憲字仲文寧鄉人弱冠食  
饌丁中丞開嶽麓書

院之憲與郭金門有二傑之  
目以歲薦司鐸麻陽

課文飭行諸生敬之子國學  
生開桂承父訓出其

五都聚山田二百餘畝建祠  
山下以奉祭并濟族

之喪昏不給衣食告匱者

朱陽色字公常湘鄉人由薦辟  
任新化訓導上官有

長沙府志

卷之三十一

人物

三

道隆絳帳之譽護縣篆有賢  
聲致仕歸建祠修譜

弟明色有文名領鄉薦

易最字汝眉湘鄉庠生事寡母  
以孝聞母卒最年六

十哀毀骨立歲饑捐穀三百  
石以賑鄉黨子孫多

列庠序

龔天衢字雲際湘鄉貢生好讀  
書授辰谿教諭不

絕跡城郭扶危濟困善醫施  
藥金活多人不望其

報

有始字士升益陽庠生孝友端  
方工詩文教授學多

所成就



彭繼寬字叶五茶陵人二歲喪母九歲授讀通經能  
詩父登湘薦隨兄維新參校山東浙江試牘已西  
貴州分房俱稱得人中父孝待人恕嘗失百金後  
知竊金者待之如故終身不告他人人皆服其雅  
度

吳世奇安化人公伯孝友父遺產悉給兩弟纖毫無  
取有借貸不能償者輒焚券性好施與窮困多賴  
之

李逢棠安化人一歲喪母後事繼母如所生撫堂姪  
娶妻給產得成立捐修各處橋路全人伉儷臨

長沙府志

卷之三十一

人物

三

終出負券焚之

文生岐字鳳洲俊也監生課子弟尊師長司族政善

調度僕某舊姓也其父卒無後岐命攜妻歸續之

劉通侯湘鄉人康熙年間以母年老病篤割股肉爲

糜食之立愈壽九十

蕭魯一湘鄉人少以事母孝母卒廬墓三年族鄰力

勸歸家次日復往見大蛇蟠墓上張口欲噬之歎

曰豈母靈不許更住乎跪泣而歸事在康熙年間

劉大玫字士節湘鄉武鄉人論騎射雄上泥丸

仕念父母老遂棄去車心侍養以孝躬身信禮



廉恥教子建洗心亭著八字箴謝里中子弟冠昏  
喪祭一準家禮爭兄敬謹喜周人急於江岸創觀  
瀾閣暇則觴咏其上

陳德聚字敬之茶陵副榜授教諭性孝友九歲能文  
工草書楚南名士多出其門子孫多遊庠序並有  
聲

張興雋字廷蔚寧鄉國學性醇謹建祠睦族有祖產  
百畝讓諸從弟飭後嗣修家法敦禮節息爭訟治  
橋修堤皆力行之年近八十猶諄諄誡子孫無違  
家教孫志潔爲南軒祀生

長沙府志

卷之三十一

人物

三

陶士儀字達吉寧鄉國學母病悍割股以進病尋愈  
友愛異母幼弟以田宅讓之遊山東禹城卒

譙其仁字羽一安化歲貢少孤力田勤學授徒敦行  
師範端嚴年七十餘終生徒執紼者以百計

土嗣芳字振公湘鄉人八歲入鄉塾見歷朝捷錄問  
父曰此前代帝王事乎父異之稍長讀書萊石山  
僧舍遇異人曰見爾子由來當相攜回往旋入泮  
不求聞達居五里山庄善草書老年猶手不停筆  
時以立身行己之道教子孫壽百一歲中丞趙鳳  
毅題請建坊旌曰昇平人瑞甲申夏忽謂孫



莫至一字顏曰乾瑞精宇有人自門內詔予曰蘇  
公來予視之則昔所聽於萊不庵者今歲在甲申  
兩子由之約其在是乎端坐而逝

陳顯珩字樸茲茶陵庠生早失怙泣血踰年事母孝  
家窘甚奉養必豐母疾久衣不解帶一夕夢老翁  
語曰來日有道服者醫之必愈次日果至藥用生  
芝難猝覓適獲諸古松中服之卽痊當事褒之輒

辭

劉仲典字漢水攸縣歲貢景陵訓導好學能詩築別  
業於鶴林鹿苑中日與騷人文士觴咏爲樂

長沙府志

卷之三十一

人物

三

單士達字汝臣攸縣歲貢授訓導博學雄才與陳之  
駉同受知於督學蔣慎齋有兩好秀才之目

廖夢麟字鳳階攸縣舉人負才倜儻漁獵藝苑家徒  
壁立不以介懷

蔡爾庚字西長攸縣歲貢新化教諭性肫摯樂成人  
美創學育材歸休林泉族黨舉爲戶督

賀瑞字玉山寧鄉人親喪廬墓三年一意孤行衣冠  
不逐時尙其貧勵志不肯乞假

王建禎字蓮甫湘潭人篤實孝友屣跡深山不履  
市闢人善行轉稱道不置不善則正色斥之州



自私稍有餘即以分恤族黨之貧乏者舉鄉飲  
年九十五卒

李光璋益陽經魁事親孝母病數月衣不解帶既  
哀毀骨立葬祭盡禮父年老左右就養兄弟七人  
友愛無間以病早逝

馬德至字西長寧鄉廩生本長沙衛軍籍性孝友父  
沒禮事庶母終身罔懈教幼弟成名樂施予謹嘖  
笑里族畏而愛之沉潛經史課生徒文行交勵于  
憲綱教諭世其學

周德乾字畫一寧鄉人慈祥謹厚敦礪實行事親色  
長沙府志

卷之三十一  
人物  
國朝

養親沒廬墓三年弟早逝撫姪如子存心利濟歲  
歉施粥疫則施藥又修朱卽河橋助段氏畢婚不  
喜入城府遇有侵占則讓之子憲豐孫鼎等世遵  
其教

楊容字帝旣長沙庠生少孤痛父早喪善事祖母范  
氏比卒哀毀逾節事母劉氏亦如之居身質樸貧  
得館命周鄰里自其餼粥至老嗜學不衰卒之日  
里黨無不悲痛

李嗣紳字書思湘鄉人弱冠入庠規言矩行喜博  
解紛課子甚肅第嗣白事母孝人吏深愛重之



劉榮封字肇錫湘鄉拔貢除臨武教諭好讀書言笑不苟燕居必整衣冠解推無倦色屢膺保舉辭不就其父大瑋喜施濟榮封能承父志云

黃燁字賜谷黃輝字天篤湘鄉人鄉賢棣開子兄弟比居每朔望率子弟謁宗祠課督後人先倫常次文藝邑中利弊持論不苟合捐貲施醫藥置義塚所濟甚廣燁性剛介輝性和平遇事同心適中規矩燁子宜中領鄉薦輝子宜載以拔貢官鹽場

易生龍字吟雲攸縣監生漁獵藝苑性孝友事母焦氏禱神愈疾置義田建家塾邑人奉爲典型著蔡

長沙府志

卷之三十一

人物

三

云

徐大本字泉長益陽人與其叔日宏同登賢書幼警敏試輒冠其曹侷儻有才畧亂詩古文書法亦佳中道而卒人爭惜之

夏光斐字淇瞻益陽恩貢居浮邱山性情灑落人與之遇如坐春風工詩文宿學有望子孫列科名斐仍寒素自若

洪際盛字躬逢攸縣庠生嚴毅持已遇事不避利害族中貧不能支者爲之婚嫁兵備洪紫雲捐金置祭器一供長沙府學一供家廟亂離散失際盛家



方構補兩處燹鼎復全

夏汝庶字子來安化人居心忠厚善事繼母廖氏幼

儉率家寬恕御下方正有守不慕聲勢全人伉儷

者凡六鄉族欽之年九十卒子二俱庠生

張捷字天如安化庠生勵學行孝事父母兄弟俱亡

獨力承歡撫字遺姪田宅擇肥饒者給之養高自

重不履公庭設教為業從遊皆守禮義二子克續

父詹壽八十四終

廖喬年字凌雲寧鄉人性孝五六歲時父口訓小學

即欣然樂聽及長父母有疾衣不解帶湯藥親嘗

長沙府志

卷之三十一

人物

美

父方達署茶陵學正欲刻懷麓堂文集苦無資喬

年即售田襄役以成父志及父賦遂初喬年侍晨

昏二十年如一日父沒廬墓三載篤友愛撫孤皆

至成立

李鎮河歐繩祖臧忠武蔡林朱世貴袁廷標李永貞

羅以山熊正文張萬宗趙上志曹益明范光祖

正長沙人劉天玉蔡國樑善化人俱撫標左

營兵丁強力武勇征苗時臨陣爭先皆沒於陣

恩卹賞銀兩建祠祭祀

李進字長公湘鄉歲貢授天柱訓導有法也



風丕變卒於官多士思慕不置

劉祚蕃字慶錫攸縣貢生樂善好施蔡周忠烈祠廢獨力捐建並建舖房賃租以供祭祀捐金梓邑人遺詩名曰攸詩拾殘又與祖叔傳鼎同捐西城內地建育嬰堂上憲以義風保赤匾其廬

陳一鶴字鳴九茶陵舉人幼遵父訓奮讀後館湘中忽心悖歸值父病侍寢嘗藥衣不解帶教育四弟俱以學行稱事母劉氏存沒加謹所著述皆孝弟

語

趙明鼎字鉉吉益陽人初家貧為人牧牛且牧且讀

長沙府志

卷之三十一

人物

七

卒為諸生天資高邁所為詩文自成一家受知於當事鉅卿為五經師門下多知名士有漢儒經師之目

卜祖鼎字君台益陽舉人志量高廣襟懷灑落而精研理學苦心殫思縣令陳憲冲極尊禮之授桃源教諭士風丕變後致仕家居鄉人奉為師範

李培政字躬先湘鄉人儻有大志以力追先民鼓勵後進為已任湘邑舊有東臯書院久廢培政不

畏強禦力清田畝重新學舍膏火有資士氣大振劉淑章號鳳臺攸縣貢生任建昌教授謀士有成



復署新城令一錢不名歸鄉兩舉大賓

張珩字彤上攸縣人性友愛兄死撫姪教養如已出  
又族中貧不能舉者慨然曰饑寒當與人同患况  
一木乎發廩與之捐貲葺祠一以敦睦為念至今  
族黨傳頌

王忠台字位三洲鄉人性醇謹歷事三繼母如所生  
同居昆季九人友愛無間年六旬處父喪不以衰  
老廢禮終身不至公庭晚歲置別業朝夕課子

龍佳蔭字允襲洲鄉歲貢少穎慧留心經學潔已自  
愛事親孝謹嘗建宗祠置祭田修橋全節以困乏

長沙府志

卷之三十一

人物

美

告者解囊不吝

賀奎生字雍仙湘鄉庠生持正不阿修文廟建文昌  
閣皆竭力勸勳倡纂邑志年八十終

李邦畿益陽人年十九母黃氏病篤焚香祝天割臂  
肉和藥服之病遂愈邑令即仲以真孝可風獎之

王平政字光華安化人性醇品方六歲失恃終日泣  
墓所奉繼母婉愉承志友愛諸弟讓居推產歲荒  
施粥壽八十卒次子仁洪克肖父行邑令朱永輝

以鄉邦儀表旌其門

陳偉字君俊茶陵人竭力事親絕跡城市修橋砌



路建宗祠重修族譜遇歉歲罄所貯平糶鄉邑咸被其惠前州牧以譽隆鄉評獎之

王崇泗益陽庠生六歲隨節母盛氏奉姑入山誤入虎穴盛氏以身衛姑崇泗以身衛母俱免於害母歿哀毀廬墓三年好義樂施捐將軍山田入育嬰堂邑令李澎匾獎之

宋明吉字君仕攸縣人天性醇厚事親以孝聞終身無忤色與人排解輒侃諤不少阿

余彭齡字齡周攸縣增生學博行履歷事四繼母待異母第六人孝友無間教授生徒名彥多出其門

長沙府志

卷之三十一

人物

三

云

譚大桂

本姓龍

字菊友攸縣人幼出繼舅父譚光舜舅

父劇貧大桂業醫以養舅母卒光舜繼娶王氏王

自有子夫婦幾不自存大桂竭力營護之晚歲更養本生母亦極饒恤里人稱之

黃確字天色湘鄉廩生苦心讀書為文蕭灑闒蹇雖場屋屢躓終不趨時築室講學誘掖後進道範端嚴不可干以非禮

章國璉字邑景湘鄉人穎敏能文幼困益天卒遺孤僅八月撫養婚嫁不遺餘力清靜岐術危病者



藥治之不求值一夕盜入其家獲之乃鄰人子憐其爲饑寒所迫給以銀米而去其長厚類如此一  
周近光字行在益陽貢生文詞敏捷試輒高等奉文  
廣入學額益格於司議近光與邑人力請於撫軍  
督學卒邀恩廣五名

任乾易益陽人早失怙事母先意承志待從兄弟如  
同胞分田授產經紀其家有遠遊者撫其子女如  
已出賑貸周恤里中藉以存活者甚衆

夏正賓字送友攸縣監生輕財好義助置學田全人  
伉儷嘗置妾詢之知爲已字人者捐金遣歸

長沙府志

卷之三十一

人物

罕

簡自藻字魚在湘鄉人十二歲入泮家貧肩戶積學  
叩以世事漠如也生平真醇澹泊有古君子風以  
明經選沅江訓導未赴而卒

曾國銘字帝箴湘鄉歲貢性耿介平居衣冠肅然家  
城郭不輕見長吏邑有義舉輒解囊助之

黃夢齡字松年善化貢生嗜古力學長於詩工書法  
著松園集士林仰之

張亮樞字寅一寧鄉歲貢刻意詩書菽水承歡敦篤  
友愛排難解紛濟人利物未壯失偶終身不再娶  
八十二歲以天年終



秦安鎮寧鄉人幼時親疾則不食稍長侍立必肅衣  
冠聞親詢以小摺記之兄亡撫遺腹姪百方拮据  
不令老人知母沒廬墓鵲巢墓樹居家四世不分  
三黨不匱每傾倉數百石濟人不少惜公舉請  
旌建坊

聖名佐善化人父三元從戎佐禱求生歸孝養盡歡  
親沒哀毀尤至婦艾氏能體夫志以成其孝乾隆  
六年請旌建坊

潘浚昌字定魏寧鄉歲貢孝友嫻睦以廬墓中濕病  
足同堂兄弟十餘人比屋以居始終無間言捐穀

長沙府志

卷之三十一

人物

聖

傾囊小善必為

夏光洛益陽廩生母故廬墓三年著作甚富皆本心  
得

劉世臣善化人好行善事嘗拾遺金坐候其人還之  
年七旬自置棺見河下溺死者卽捐棺葬之再置  
遇覓食凍死者復捐之又嘗雪夜獲賊係里中人  
論以宜惜名節兼遺衣米其人由此改行爭訟者  
力為勸解年九十餘乾隆九年舉耆善賜八品  
頂帶

方紘字繩武醴陵人徙居善化母早逝事繼母加所



生父母愛養一遵家禮不用浮屠里有貧不能葬及饑不自存者粒每捐穀捐棺不少冬今三子一孫俱入庠

樂善好施

明

陳頤醴陵人正統間出穀一千一百五十石入本縣新比倉以濟荒歉六年詔旌其門

孟和於天順初亦出米四百石入預備倉備賑縣

給冠帶

長少府志

卷之三十一

人物

樂善

蕭廣昌字少連湘鄉人楚府冠帶吏萬歷間捐修崑崙橋楊東橋馬渡廟橋生平多行義舉子孫皆食其報

關志和安化人出粟千石賑饑授七品散官邑令建恩榮坊褒之

丁嵩醴陵人萬歷時以善行受旌嵩沒知縣晏朝寅作詩輓之同時錢可賓文宗淵亦以善行受旌

陳良義良芳湘鄉人輕財樂施萬歷時歲饑良義施穀三千石良芳施穀八百石助賑後又饑良義復

賑穀八千石詔給冠帶建坊旌獎良義子九官光



祿寺典簿良芳子九 棘冠帶儒士各守父教歲饑  
九官出穀三千石助 賑九棘立義田五十畝與族  
人耕種出穀五百石 賑濟貧乏修學修橋皆樂依  
助焉

王翼謝子龍蕭政張廷 椿蕭連何箎賀紹祖王冲霄  
蔡瑞蔡懋陳廷璽何 旺蔡惠周鳳臯皮日昌鄧廣  
劉春林蔡誕陳鈺洪 興賢洪田蔡國儀蔡組洪厚  
洪祥洪模蕭孜蕭俊 陳富陳宗載彭珍劉南箕丁  
璉王寶王萬化陳鵬 文炳蔡經王日詔王萬寶王  
寬王萬用劉仁祿陽 壽昌歐陽時文陳友文董珍

長沙府志

卷之三十一

人物  
樂善

聖

周處倫武廷漢丁志 淵鄧鵬譚凱王裕龔胥王易  
忠則李子韶龍圖蔡 國賓蔡國仲龍章龍惠譚廷  
解陳儲張楚瑤俱攸 縣人捐穀賑饑俱奉例賜給  
冠帶

廖經綸字誠宇瀏陽 人好義急公嘗捐資賑饑邪屬  
善士

吳一鵬字雲程安化 庠生長厚端方輕財好施前令  
陳揚明及熊之彥獎 其優行

袁孚託醴陵人崇禎 間按院徐以善行旌之

張宗興醴陵人孝親 睦族好義樂施嘗受學於步城



鄒東郭先生

賈嘉俊字美宇湘鄉人有志澤物讀醫書冀曰濟世

利人其在是乎遂精其業值大疫博施良劑雖與

隸必竭誠診視愈而後快又煮粥食饑者所活甚

衆達官俱造廬相謁孫慶生膺歲薦司鐸新化

何志高彭羅陽毛溫鑑文凌霄陳善輕譚處善張泰

春彭雷震洪忠可王槐寬王翰陳受卿俱攸縣人

捐穀賑饑好善樂施奉勅旌表其門

龍必昌安化人富而好義捐金建分司及明倫堂砌

馬家橋費近千金僉事謝欲立石紀其功力却之

長沙府志

卷之三十一

人物

器

既老當受冠帶辭不受有司賜絹帛延鄉飲壽考

令終子孫甚盛

李芬芳茶陵庠生歲饑芳出粟千餘石以貸鄉里義

不取息復旱饑甚并粟置不問

王乘龍字海宇湘鄉人以武勳管運淮南至江寧地

方災疫捐棺百餘復值饑施米百餘石曾孫斗克

成先志捐祭田修橋梁施棺四十具

尹麟字亮卿茶陵人樂善不倦歲饑施粥病者施藥

訓子士偉登鄉薦麟年九十及見之

王文獻安化人富而好施年饑賑貸奉文優獎



譚永旺安化人崇禎時恩賜壽官歲荒出粟五百石  
散給里計口均分人賴存活年九十四卒

國朝

傅惟吉字巖若湘鄉人少有文名不樂仕進親沒哀  
毀盡禮撫異母弟成立歲大饑捐穀五百石賑之  
里有義舉捐囊不惜卒年八十七

蕭斐字竹菴善化庠生襁褓母歿後事兩繼母盡禮  
當式馬後斐外給徭役內供其旨自奉常儉掩棺  
掩骼建梁修路率領囊力為之又倡族儲金置祖  
祠田之用居鄉排難解紛人多稱之

長沙府志

卷之三十一

人物  
樂善

聖

簡恒字久也湘鄉貢生少好學工舉業以利濟為事  
邑有墮糧之苦恒力請於上官得照道州下則墜  
科累稍輕選耒陽訓導甚得士心

丁明楚字思禘醴陵人清介廉潔順治間於新田  
口拾遺金坐守終日俟其人尋至訊驗得實即還  
之邑令張法孔高其義會舉鄉飲禮因延為上賓

姚春芷字蘭友湘鄉庠生入國學性樸直言動合規  
矩修石橋三處歲歛出穀數百石以賑鄉望

劉永貴字德一雲南人康熙辛卯武舉人善化籍官

漳州時捐立義學性遵義訓將給兵民寡婦貧而



守節者錢米署貴提捐俸修橋渡貯米穀先是禾  
社時有鄰人汪思榮家貧婦家欲將女另字貴捐  
囊完娶在興化有將女為妾抵客債者貴塗聞哭  
聲詢得其實即代償之

鄧亨字子通茶陵人年逾大耄不履公庭孝事繼母  
歲稔出粟賑貸俞直指有品高月旦之旌

蕭龍字後江茶陵人好善樂施弟姪不足者悉資給  
之人有因債窘將嫁其妻者龍詢其實賣產貸酬  
壽九十六州守周仕先以熙朝端壽榜其門

謝天蔭字茂對湘鄉庠生有氣節濟困扶危恨湘邑

長沙府志

卷之

三十一

人物

哭

田賦積弊乃縷陳於董中丞復贊邑令李玠均都  
分區力清飛洒欺漏之弊然諾不欺門庭雍準年  
七十餘卒

竇思明字澤生善化人賦性孝友立品端方尤好施  
濟建南門外金鷄橋捐貲數百金捐穀濟荒捨館  
殯葬寒施棉襖並給薪炭隣旅病醫愈兼資路費  
傾囊解紛出資全節善行種種鄉邦稱之卒年八  
十三子孫皆世其業

蕭常韶字儀如湘鄉人孝友忠厚足不履城市手著  
格言註證凶年齋



延之鄉歛辭不就以子衍守地贈修職郎

何祥雯字兆胤安化庠生性樂施安邑四門水繞城東通驛路每值水漲往來病涉祥雯父文龍初修小橋祥雯承父志捐二千金改建大橋行者如履平地施棺全飾費尤不費子燾文學捐金修學又兩修北路大橋

王欽雲長沙人性正廉家貧好義康熙五十六年歲饑以所居田廬質穀二百石濟荒先世少司馬諱偉者有論葬祭田百畝為豪右所佔雲以已產易歸分半給族奉祭嚴於課子門內多列青衿者卒

長沙府志

卷之三十一

人物  
樂善

七

年八十四

恩給八品冠帶

李仕標字汝望湘鄉庠生性慈祥撫幼弟孤姪昏娶大旱乏鹽仕標費多金買鹽散之年饑賑穀建橋梁費俱不費

蕭常韻字聲如湘鄉庠生存心濟物鼎革時為里中完逋賦不少吝族有失所者安集贍養之朔望宣誦條約鄉俗丕振吳逆肆掠率鄉眾捍禦遠來者給以口糧賊不敢犯晚年鑿沼建樓研精丹書幽然有世外趣

明夢容善化人長沙衛守戶突未避亂居鄉力行善



事荒煮糜粥路設茶湯施棺施田乏嗣息鄉人皆  
嗜之

王閏齡字良玉攸縣人性慕義堂兄子文卒撫兩姪  
推宅分產無德色康熙癸未游饑出穀賑濟里中  
賴以全活捐租建橋人咸義之

張曰生字九升湘鄉人性醇篤奉親朝夕有常儀無  
孤甥周族黨施醫藥無所吝研窮岐黃陰陽家頗  
有神會

彭應同字宗卿茶陵人十歲失怙母陳氏撫之成立  
拾金還主以遂其婚出粟五百石以代完馬料荒

長沙府志

卷之三十一

人物

異

年賑饑穀貴減糶處鄉里是非不阿宗族助予不  
少吝子亦世其業焉

文韓字實齋長沙人敦厚醇謹曾買湖北童男見其  
壘止異常教養一十載遂撫與瀏人爲子門首  
拾金次早招失主還之恩給八品頂帶八十九  
歲卒

彭良泗字聖南湘鄉人性仁厚建祠修譜處衆和易  
橫逆弗較排難解紛談言微中 國初賦役浩煩  
憮正圖是索良泗身兼數圖追呼無虛日又饑疫  
洊至逃亡者十之六七乃破產代償家遂落承平



復泗縣招集逃戶使復故業所賠逋賦置弗問訓  
子孫忠厚為本孫心鑑成進士

潭賓臣字敬止茶陵庠生好行其德鄰人因債鬻身  
變產償之佃民債窘謀鬻婦捐田租以全之

賀瑛字子修湘鄉人善事繼母撫季弟極友愛生平  
慷慨好施歲饑里中不能舉火者計口授食

丁瑜字麟生醴陵人性好義捐資造舟於新田渡以  
便利涉臨終更捐田十二畝為修甬供給費于孫  
相承不替

文尚宣善化庠生雍正丁未殺貴照常平殺價散賣  
長沙府志



卷之三十一

人物

樂善

多所全活鄰有出妻償債者宣解囊給之又倡修  
驚馬橋及學宮俱費不貲學使給匾旌之

余遐齡字祝三於縣庠生剛方公恕奉養生母王氏  
喪祭盡禮佃戶將嫁媳以償積逋即焚其券復給

銀以償他債歲饑施粥製藥給楮以濟危難鄉人

德之

陽元龍禮陵監生生有嬰堂置田以給衣食又建

濟堂買青山地俱入新葬建路亭修橋梁不置

解公舉請 旌

蕭伯冠攸縣庠生癸丁一歲荒貯糶七百石悉以



鄰有張魁伯欲鬻妻償負伯冠捐金全之督學繆沅為表其廬

陳玉信字帝珍醴陵人惇直好義常捐金一贖人妻兩贖人子歲凶出穀濟饑不取償撫孤施葬具善無不為

毛廷熾字子明湘鄉人好施與修復興橋歲饑捐穀以賑邑民賴之

譚紹瑜字楚華安化人樂善好施為貧族完婚者四無葬具而施棺衾者五修宗祠捐舖房地基族黨稱為長者

長沙府志

卷之三十一

人物

五

洪圖南字掠潮攸縣庠生以友愛稱慷慨好結納慕義者不遠千里卹人緩急若已痾瘵終其身不以為倦

張任憲字士重湘鄉人尚氣節篤倫常與兩弟析產讓以田廬無德色肆宗祠置祭田享祀循禮尤好施與有以興廢郵置告者輒罄囊助之

蕭任仁字若士安化人甫八月母李早逝依外祖母王鞠養及長事繼母黃甚謹兄弟四人友愛無間鄰里無告者輒開之不少吝壽七十歲卒

張全備字萬有湘鄉人好義舉凡建祠捐穀成梁



棺俱樂行不倦拾遺金不昧一鄉稱之

歐陽昂字秋友攸縣庠生捐穀賑饑處弟昆倍友愛  
施棺建橋里人作歌頌之

瞿尚冕醴陵人敦古處不事浮華歲饑出粟百石減  
價發糶有繫獄者鬻其兄弟妻子於冕冕還券捐  
價並予資生之具凡利濟之事甚多同里義之

易文繡醴陵人性謹厚喜周人急里有遭難鬻其子  
女者文繡給以銀還其券族孫有債迫嫁妻者文  
繡復以銀代償之

許進字蓋先安化武生居城市足不入公庭家裕好

長沙府志

卷之三十一

人物  
樂善

五

施捐棺以周貧乏約五十餘子四咸列黌序各敦  
友愛

王文鼎字公調湘鄉庠生不以姓名通有司好施與  
修要路橋梁工行草書年八十餘

王平珍字子珍安化例監性謙厚好施貧不計償造  
舟架梁與人排難皆不惜解囊

賀清寅字兩惟寧鄉庠生事親存沒盡禮服食淡泊  
子孫恂謹時制憲設社倉卽首捐穀百石貯南塘  
菴社倉里民賴焉

陳長泗字介鳧湘鄉武生性豪邁尚義陳財壬辰甲



午歲饑出穀減糶且量糶糶以資其歸

王正健善化人性孝友父母歿後撫兩弟終身其喪

遇族中爭忿必竭力排解捐囊不惜歲值荒歉減

家口食以賑之又出錢穀贍貸人賴以濟

胡縉虞字心傳攸縣庠生敦宗睦族修家祠造渡船

焚券全節助喪成禮時貯河都穀數百石以賑貧

乏纂先哲格言以訓家人

陳鎮湘字天石茶陵監生重義輕財攸邑劉正功與

湘瓜葛湘憫其貧予腴田十畝貧交踈族有緩急

罔弗傾橐以濟家道中落終不悔

長沙府志

卷之三十一

人物  
樂善

五

葛世垣字我微湘鄉人兄世振豪爽揮霍世垣常資

其不逮好施與修橋二處復設洪塘州渡捐給舟

子工食

曾飛雲善化人幼失怙事母色養至老不衰待宗支

有恩禮雍正五年出穀百餘石賑貸鄉鄰至今稱

道之

喻邦灝寧鄉人性好善年登九十五歲長子安循好

善樂施督修巽宮施棺具賑饑寒無吝色焉

傅正遇安化人性醇謹仗義窮年修橋梁平道路疏

棺全節善行累累晚歲以經史自娛樂道入善教



身不改年七十卒

姜家斌字身先寧鄉人少孤善事母教子弟有法度  
敦崇族誼往來湘澧漢沔間遇人危難輒救之慷慨樂施至老不倦

梁友奎字聚文湘鄉人性孝友好施與丙子歲饑發  
穀數百石賑貸修橋葺路無不捐助

彭尙勳字禹生湘鄉人性孝友修祠捐田建大村末  
豐兩橋費五百金子茂武雍正九年寒施衣被饑  
捐銀穀約費百金

黃以誠善化人居身淳謹嗜古善書伯兄某戍邊以

長沙府志

卷之三十一

人物  
樂善

五

誠馨家財贈行生平好施精醫術活人無算

鄧天權字聖行安化監生家饒裕慷慨好義歲歉減  
價糶穀周人乏困修梁砌路全節捐貲無怪色鄉  
里德之

饒愍字季頴長沙庠生輕財好施不責報晚舉一子  
萬鎔以撫子鑑貴封文林郎壽八十六卒

梁友明字維新湘鄉人惇篤友愛樂善好施捐托塘  
山地為義塚普施丸散以療病人同時譚敏達曾  
麟長歐陽泰麟俱能力行善事撫軍趙洪恩觀風  
使李穡皆旌其門



文成醴陵人勤儉貿易家非素封而尚義好施於貧卹寡捐田入孤老院若干畝

楊惠生善化人樂善好施嘗以穀千石減市價糶與貧戶復糶米三百石糶價如前其他助婚葬治橋梁設渡船捐資一無靳惜鄉人德之

曾停湘潭監生慷慨好善曾見浮屍憫之置山地一區爲義塚每遇浮屍備棺埋之立碑於塚誌其衣服形貌以便識認某年上流蛟起淹溺者屍浮滿江雇船拯七十五人如前掩埋知縣某詳上憲以慕義推仁旌其門

長沙府志

卷之三十一

人物

善

余士景字異公攸縣庠生好義舉多施予全人伉儷修建橋梁費數百餘金子贊中式

胡德紹字我周湘鄉人事庶母如所生勇於爲善建家祠置義田助修側水橋設走馬灘渡子庠生方谷克守家法

黃燦明字星若湘陰人好善樂施義方教子

劉士尊攸縣人拾陳開先遺金一百二十兩退還不昧

李允灼字文昭湘鄉人平生不入公門好濟人綏急捐修塢林江石橋歲飲賑餼其無算



黃安鑄字眉安化人正直慷慨歲歉減租每戒子  
無負利以滋刻薄地方利病興除指貲六各周貧  
濟乏至老不致年八十二歲卒

劉元吉字在中寧鄉人性仁厚於宗族鄰里解推資  
助無倦色自奉從菲每歲完稅外藏所餘以待乏  
荒則施粥活人無算解人紛難全朱曾王三姓之  
枕素不佞佛而伐石堯橋破千餘金

章應詔字君龍湘鄉人沉靜寡言人有過輒面斥之  
雍正五年家穀僅四百石減價糶賣過長沙見出  
妻者力爲全節

長沙府志

卷之三十一

人教  
樂善

五

劉傳魁字斗南攸縣貢生喜行義事歲大稔出穀二  
百石與貧者多不責償聞人有急難竭力排解修  
祠葺譜捐貲督理無倦邑令獎之

文加繡字錦章湘鄉人事孀母以孝聞建祠置田修  
橋路費百金不少峇邑中公專爭先捐助

凌之煊字宗漢善化例貢淡於進取倡族建宗祠族  
有鬻身者煊惻然遽取金贖之有進佃棄家歸仍  
石之還湘陰港路險渡艱煊捐金闢河開徑置船  
建橋又捐金置社倉殯他鄉客死善行累累無虧

而卒



譚金聲字元音攸縣人康熙中邑清文獻縣人  
圖荒冊抵數又捏設名認聖額五十八年  
僅八百餘頃缺額一千五百餘頃當事擬以實  
登一畝抵無圖三畝捏敷全額金聲力爭駕官事  
怒後蒙 恩宥孝事繼母撫育孤姪人以篤行稱  
之  
譽偉字偉人安化歲貢好善樂施鄉族有貧不能嫁  
娶及以債嫁妻賣媳者率 捐銀毀給之康熙初年  
荒歉發倉穀以貸不計息末年焚其券曰免子孫  
以此爲口實舉鄉耆賓年九十三卒

長沙府志

卷之三十一

人物

善

羅仕親字君傑湘潭人以勤儉起家耿介仗義週知  
里有不忿爭事面斥其過不少瞻徇性喜施修建橋  
梁動費萬金周饑寒濟窮乏助婚嫁喪葬之不遺  
者知縣高張俱以善人遊之乾隆元年 恩給八  
品頂帶卒年八十有四

周端國字卜又攸縣人慷慨好施村疫流行請醫治  
門診治兼資藥餌周恤缺人排難解紛人推祭酒  
劉克昌善化人於湘江古中渡捐田八十畝又石竹  
塘創有古塚百餘低陷捐金培補其他善行甚多  
上憲褒以好義可風之額年七十九卒



李逢藻字洽仙善化人好義通財名流靡不結納由  
明經任巴陵訓陞沅江諭居官培植學校年六十  
九卒於官

譚文焜字皇英攸縣庠生少孤奉母氏性謹主家事  
公平無私敬宗收族力經營之邑西渡倡爲義田  
以食操楫者

鄧林瑞字又韓寧鄉貢生性和厚災荒時施粥施棺  
歲疫施藥餌全人昏姻建橋除道善小必爲嗜書  
購萬卷置層樓中晚年扁樓靜坐遇平人輒以果  
報勸之

長沙府志

卷之三十一

人物  
樂善

聖

謝天蔭字培先湘鄉人至性過人年十二遭父喪哀  
毀如成人殯葬一準諸禮事母易氏承歡順志母  
卒遇忌辰常泣下念高曾邱壠星散久將無稽圖  
其形勢及窆葬年月彙爲一帙梓之題曰孝慈圖  
考又糾衆建宗祠置義田義方教子一門之內友  
愛尤篤周人急難不責報子如運輩皆儒雅恂謹  
遵其教法

陳治鐸字天以攸縣人初喪父家無中人產傳嘗艱  
辛獨介白矢雍正初行道有奔溺洪流者拯而語  
之曰憊甚貸金五兩今遺矣計無復之有死而已



壽如數彌之

陳漢哥安化人家僅薄田三十畝淳樸好善於東坪  
河置船以利涉者復捐田六畝以資造舟守舟之  
費年七十八卒

陳仁珍字德仲善化人十歲失恃常悲念不忘年六  
十猶茹素三年曰吾不得事母聊以志慟耳好行  
善事施棺修路或先衆為倡或一已獨任承辦育  
嬰堂事方伯邑令皆題匾額旌之

劉天錫字簡臣湘鄉人孝友耿直父早逝善事庶母  
撫幼弟成立孤姪二撫如已子生平躬耕勤儉創

長沙府志

卷之三十一

人物

美

業頗饒與弟姪均分倡建宗祠又捐貲獨建石橋  
賀清浴字景沂寧鄉人家非巨富捐田四十畝建祠  
奉祭族人鬻身者為之贖歸又出貲助族婚嫁奉  
文設社倉捐穀百石又修驚馬河對青華三橋所  
費皆不貲

劉瀚字南溪安化庠生慷慨好施捐建宗祠北路金  
鷄嶺烏鷄嶺孟公崙捐貲砌石行旅稱便周濟貧  
困鄰里賴之子懋國學生好義有父風

彭榮富字有大湘鄉人性淳篤事父母孝兄喪  
經理家事餘貲概讓兩姪修萬石險道立成



石標又修大灣頭石橋皆不惜重費

蔡來裕字燕皇攸縣庠生好義樂善里有鬻妻溺女者力拯之焚券免逋無難色鄉鄰稱之

龔超第善化庠生學行方正家居儉素族人爭山不休出已園分給以平其訟臨終焚借券四百石爲家訓數草言皆切至

陳俊偉善化人仗義扶危同里有逋債欲自盡者俊偉代償之戚族貧者給田棲身承辦育嬰堂全活甚衆又借常平倉穀碾米賑饑乾隆三年邑人公舉耆善准授八品頂帶

長沙府志

卷之三十一

人物

樂善

陳之楨字幹臣攸縣人仗義輕財里有將嫁其媳者出貲代償族黨貧者必周之邑令吳標額曰德重一方壽七十五卒

謝天開醴陵監生紹祖父孝義家風父故諸弟方少祭祀昏教一遵家訓中年乏嗣撫姪爲後若已歲歉出穀八百餘石濟之不能償者焚其券生平樂善復勉人爲善刊布感應全書鄉稱善士

羅如釗醴陵人生平好義捐田若干畝入育嬰堂復捐田入養濟院鄉人義之

黃公平字小亦攸縣人性淡泊嘗客澧州於歲時



拾遺金還之精岐黃術大疫投劑輒愈兼資藥餌亦不責償

耆壽附

謹宗慶安化人三次鄉飲隆慶三年滿百歲有贈聯云身歷五朝歲月眼觀六代兒孫壽一百十九歲王大志字允升長沙人善化庠生性端方無疾有遠色太守錢汝駟以文視之年九十卒

龔佳立字行可安化人以孝友稱順治初征西山需派運夫佳立代族捐夫價銀三十餘兩族兄立鵬欠穀八十餘石將鬻其子佳立出租代償之壽九

長沙府志

卷之三十一

人物

耆壽

十七歲卒子四俱友愛長繼富遇虎傷膊人莫敢攫次繼榮繼華擗死殺虎兄弟俱全

易廷儀張邦茂魏振甫俱醴陵人壽九十餘賜給頂帶榮身

謹紹夔字獻鄉安化歲貢授徒為業有偷者夜至夔以解旱燈伺之既近起解偷兒叩頭乞饒夔再為此給以銀米其人感泣夔終身未嘗言其姓名壽九十二歲卒

曹伯敬長沙人以農政授八品頂帶為人樸質勤儉克家延師課子成立其子門第成武進士開甲



武鄉薦壽九十五卒

賀瑛祖字子敬安化人家頗饒好施與鄉里德之至老彌健身歷四朝眼觀五代年九十八歲卒

劉子芳劉樂從江皇矣譚中美劉白林黃先位周騰霞劉宗仁劉賓倫謝而英俱醴陵人壽八十餘給

絹棉米肉

士蓬修字鐸夫安化庠生側儻慷慨庭訓甚嚴子列文學現年八十六康健如壯夫

張自縉字仲叔安化庠生品行端方無疾言遽色特家睦族井井有條壽八十五卒

長沙府志

卷之三十一

人物

耆壽

劉光坤字配乾長沙庠生建祠睦族減滄賑荒邑有

君子鄉之稱子兩列宮牆一登武榜年八十奉恩詔賜冠帶

劉振文字淑一安化人長沙縣學教授生徒多所成就由歲貢選石門司訓時年九十四未赴任卒

王子湘安化人樸誠坦率里中吳阮二姓爭塋不能決縣令以子湘年九十餘詢之一言成讞負者亦

不復爭壽一百歲卒

譙可任字已先安化人平生正直雅慕康節風範壽九十二歲其堂叔紹炳壽亦九十一歲



王平音字子雅安化歲貢選臨武訓導以年耄辭家  
事淡素教讀爲生紳士多出其門壽九十無病卒  
方技附

五代

易元吉長沙人性聰敏善畫嘗於舍後開園鑿渠以  
亂石叢篁梅菊葭葦羅列其中馴鳥獸伺其動靜  
以資畫思故寫動植諸物皆如生尤喜畫獐猿評  
者謂爲徐熙以後一人

明

彭臨川茶陵人精推步術言多奇中人有以生命支

長沙府志

卷之三十一

人物方技

奎

于試之者川曰三十年前有一歿雙雙燕子入池  
塘慌忙走出門前看回首家人在畫檨蓋其人三  
子曾被溺而妻回自縊也

王五常號兩松長沙人以增生入監任主簿字做趙  
孟頫畫仿沈石田文徵明萬歷間巡按某徵字畫  
於長沙王王請兩松揮數幅以進直指酬以金幣  
笑而却之

張蒞字莊吾善化人性倜儻好施精岐黃術全活無  
算當事疊賜匾額子孫多列官牆著醫書四十卷



黃發業庠生醴陵人素行謹愨好讀書寄意岐黃能  
洞其微於五運六氣實有闡明著書二十卷惜哉  
佚

葉正先善化人精醫術人有求者星夜往視無倦色  
並製膏散施與性篤友愛弟早逝推產與姪不時  
賜卹率子孫以敦篤爲尙卒年九十一

葉楚英醴陵人世業醫不競利不求名以活人爲志  
丁大衢醴陵人究心醫理爲活小兒醫清貧目安二  
子鑽鑄皆庠生

譚龍錫醴陵人研精易理靜悟造微垂簾賣卜以終  
長沙府志

卷之三十一

人物  
方技

三

郭乘恭湘潭人居醴陵精軒岐術潔清自好有士行  
朱一字國維攸縣人少習醫無所指授精通如神有

童子久病朱視之與之飲且投以雞臠出一小赤

丸曰詰旦伺頭巔一赤髮拔之無恙矣卒如其言

證果寺有工役者命急去之曰不七日死耳僧曰

若噉食如虎不之信五日卒於途有鄰女病篤醫

治以傷寒朱過廳外遙望曰是密豆證耳投劑乃

發一日遇其徒於衢曰汝速歸爾婦今日將失

從奔至家則婦已下樓傷足矣晚嗜酒每出飲人

抱病者立通衢朱醉歸朦朧微睇信口占方授之



無不神効

劉原字漪洲攸縣人世業園圃幼孤慨然曰丈夫樂身後名耳饑寒焉恤博觀圖畫悉意摹臨遂以繪

事名

譚子璽攸縣人以善琴著名

唐天木字瓊石攸縣人善京房術巧發竒中好事者載酒叩之無不驗

義僕 附

明

羅益誠益陽人隨主就選京師會主卒獨扶柩歸備

長沙府志

卷之三十一

人物 義僕

盜

嘗艱辛邑人義之

高義益陽縣高新田蒼頭竭忠事主時楊四保哨累數百人白晝持仗入主家新田被執義冒刃奔主側賊曰爾不懼乎應曰鄰家有難尙當相救况主乎毅然請代死賊亦嗟嘆釋之

陳冬寧鄉人市醫陳應昌工人陳撫之有恩一日應昌病篤垂絕諸醫斂手去僕號泣度不可救遂以臂以進病立痊次日裹瘡血出市菜官聞之賞以

一緡



唐効能相潭人監生唐青翁僕誠心事主隨主出  
夜半羣賊排闥入効能挺身格鬪中餘賜露猶處  
賊害主捫腸奔喊四鄰賊馬散始倒地氣絕竟處  
感之附祀於家

卷之三十一

靈